


He Whakatau

Me mātua pānui kia mārama rawa koe ki ngā whārangi 8–14 o tēnei pukapuka.



He whakarāpopoto

Pānuitia te whakarāpopoto ki te ākonga. E pīrangi ana a Anaru ki te kaukau i roto i ngā momo wai. Ko tēhea te wāhi pai ki a koe?

He kupu whakataki

Kia kaha ki te whakamahi i ngā wheako me ngā mōhio o ngā ākonga. Kia hāngai tonu te whakatenatena ki te whakauru i ngā ākonga katoa. Me whakatitina rawa te pūkenga tiro whakamua. Matapakihia ngā kupu hou me te āta whakamahi i te papa kupu, whakairo kupu rānei me ngā whakaahua kei te uhi. Me whakamaumahara hoki te ākonga ki te pātai i a ia anō i te wā e pānui ana ia mai i te fimatanga ki te mutunga o te pānui.

Kōrerorerotia mehemea e pai ana te kaukau ki te ākonga, kāore rānei. He aha ai?

Matapakia ngā wāhi rerekē e kaukau ai te tangata. Ko ēhea o aua wāhi he wāhi kaukau pai ki te ākonga. He aha ai?

He Matapaki

Tirohia te pai o te pānui a te ākonga

I te wā o te matapaki, me pānui te ākonga i te katoa, i tētahi wāhanga noa iho rānei, o te pukapuka ki a koe. Kātahi ka:

- whakanui, āta tatari, whakahau tika;
- titiro mēnā e tika ana, e pai ana hoki (mā te tatau i ngā hē), te rere o te reo;
- titiro mēnā e mārama ana, mā te whai i tētahi o ngā huarahi e whai ake nei;
 - te pātai i ngā whakapuaki māramatanga me ētahi e tika ana, ā, whakaritea kia kōrero anō te ākonga i tētahi wāhanga o te pakiwaitara ki āna kupu ake;
 - te pātai mō tētahi āhuatanga o te pakiwaitara, arā, te kaupapa, te ritenga, ngā ariā matua, te raupapatanga, ngā kiripuaki;
 - te whakatenatena i te ākonga ki te titiro ki mua, ki te matapae hoki, i te wā o te whakataki.

Whakaarohia he aha atu hei mahi mā te ākonga

Me whakahau te ākonga:

- ki te whakamahi anō i te pukapuka i te taha o te mihini rīpene kōrero, i tōna kotahi rānei;
- ki te whakaoti i tētahi o ngā hei mahi e pā ana ki te pukapuka;

- ki te whakaharatau kia eke te ākonga ki tētahi atu taumata.

He whakapuaki māramatanga

1. E pīrangi ana a Anaru ki te kaukau i hea?
2. Ko ngā aha ngā mea i pīrangi tōna pāpā kia mau tahi ai a Anaru?
3. I kimi tōna pāpā i ngā aha i te moana?
4. He aha a Anaru i pīrangi ai pea ki te kaukau i te maha noa atu o ngā wāhi?
5. Ki ōu whakaaro, he aha tōna pāpā i pīrangi ai kia nekeneke ia i roto i te waiariki?

Ngā whakautu ki ngā whakapuaki māramatanga

1. I roto i te hōpua iti, te hōpua nui, te awa, te roto, te moana, me te waiariki.
2. Ko tōna pōtae, tōna papa whanawhana, tōna hāte, me te pare tikākā.
3. I ngā haki.
4. Ka rerekē ngā whakautu.
5. Ka rerekē ngā whakautu.

He Mahere – Hei Tautoko i te Reo

E whai ake nei ētahi huarahi hei mahinga ngātahi mā ngā ākonga. Tirohia ngā whārangi kei te Tirohanga Whānui mō ngā tino āhuatanga o te pukapuka nei.

Te pūtake

T He tipako mōhiohio mai i te pukapuka.

He whakatakinga ā-roto, he whakaharatau

I mua i te pānui i te pukapuka, matapakia te whānuitanga o ngā wāhi e kaukau ai pea te tangata. Me mau tahi atu rātou i ngā aha? He aha ai?

Kia oti i te ākonga te pukapuka te pānui, whiriwhiria ngā wāhi rerekē i pīrangi ai te tamaiti i roto i te pukapuka ki te kaukau i roto.

Whai whakaarohia ngā mea rerekē i pīrangi te pāpā ki te mau tahi atu ki te wāhi kaukau. He aha ia i pīrangi ai ki te mau tahi atu i aua mea?

Matapakia ngā huapai, huakino hoki o ngā wāhi kaukau rerekē. He aha ētahi o ngā aronga haumarū?